



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

XIV. Ad conjuges Christianè viventes.

[urn:nbn:de:hbz:466:1-52716](#)

servitio vivere. Ecce ! quid S. Paulus ad suos Ephesios : Servi! obedite Dominis carnalibus cum timore, & tremore, in simplicitate cordis vestri sicut Christo : Non ad oculum servientes quasi hominibus placentes , sed ut servi Christi, facientes voluntatem Dei ex animo. Bis dat, qui hilariter ministrat.

Instructio meritoria.

A manè SS. Trinitati opera , & labores totius diei offeramus flexis genibüs dicendō duodecim Pater , & Ave cum versiculo : *Deus in adjutorium meum intende.*

EXHORTATIUNCULA XIV.

Pro Conjugibus piè, & christianè viventibus.

I.

Audiat, quid vobis Spiritus sanctus ex ore Ecclesiastici : In tribus placitum est spiritui meo, quae sunt probata coram Deo, & hominibus : *Concordia fratrum ; amor proximorum ; & vir ac mulier benè sibi consentientes.* Pacem habete, & Deus pacis atque dilectionis erit vobiscum. Nil jucundius, nil beatius , quam habitare in unum , in unum cor ! *in animam unam!* Multa quidem corpora: sed non multa corda, ait S. Aug. Vos saltem vestra conservate unitissima.

Instructio meritoria.

Ad exemplum S. Monicæ , si quid contentio-
nis, aut iurgii in domo insurgeret, taceamus, &

prudenter dissimulemus, & interim in honorem patientiæ, & mansuetudinis Christi quindecim Pater, & Ave clandestinè persolvamus. His modis cadet furor cum iracundia.

II.

BOne! in re tua domestica non defrauderis à die bono, & particula boni doni non te prætereat. Optimè præst domui, qui magni tempus æstimat, & nunquam negligit, unde sibi, & suis coronam perennem fabricet pro cœlesti gloria. Ama, & fac, quod vis; tempus optimè impenditur, dum amori sancto donatur; ecce! consilium Magni Aurelii.

Instructio meritoria.

Summa prudentia, ubi vita ordinata. Ordinemus horas! Disponamus opera, antequam peragenda. Ut omnia fiant cum decenti ordine, statim à matutino tempore Jesum, Mariam & S. Josephum in Rectores, & Custodes nostros eligamus, & Lytaniae Lauretanæ oremus. Hæc sancta Trias non admittet dæmonis insidias.

III.

Filli! ò quot adversa, contraria, & minus prospera non quotidie vobis eveniunt in statu vestro! Non velle portare, est jugum Christi abjicere. Quod, & cur talia feras, novit Ille, qui novit omnia, & scit in tua convertere commoda. Si castigat, Pater est. Non potest esse malum, quod venit de manu Dei. Hinc exerce cum osculo, & gaudens tibi dicio: Dominus est! quod bonum est in oculis suis, faciat.

In-



Instructio meritoria.

Sit vobis commendata Benedictinæ Gertrudis pietas, & praxis, quæ sèpius per diem flexis genibùs hìscē obtestata Deum: *Fiat in me, de me, per me, circa me, & circa omnia mea, sanctissima voluntas, in tempore, & æternitate. Chara!* sola Dei voluntas, ille est digitus, quò Deus appendit, regit, & continet orbem terrarum.

EXHORTATIUNCULA XV.

Pro Cœlibatum, & Virginitatem colentibus, atque voventibus.

I.

CHARISSIME! optimam partem elegit, dum soli Christo adhærere, & in statu Virginitatis vivere, & mori decrevit. *Virginitatis enim dignitas* (ait D. Chrysost.) *quarenda non super terram, sed in Paradiso est.* Si in Paradiſo: quid jam amplius vobis cum sèculo, aut aliò sensuum oblectamento? *Virginibus Christus insidet, loquitur S. Hier.* ergò & tenendus, ne vanitas rapiat.

Instructio meritoria.

Si titillent mundi gaudia; si instanter alliciant sensuum irritamenta, corporis solatia, & delectamenta, procidamus coram Crucifixo, filialiter protestantes: *Dixi! Furavi! Deliciae meae sunt esse cum Deo, & Jesu Christo.* Mox subjugatur Canticum: *Benedicite omnia opera Domini Domino &c.* Cui & hunc versiculum inseramns: *Benedicite omnes beati mundo corde,*